

PROLOGUS

35

Iustitia suo iudicio læso Honori Regio medetur.

Iustitia, Honor Regius, Asia, Africa, America, Europa, Comites Iustitiae,
Quatuor partium, Honoris Regii, Reliquis Comitatus,

Com. 1. *Iust.* Socii! cur hodie adeo magnificum exornare jubemur solum?
Com. 2. Non dubito, Iustitia causarum Domina, in corona novorum ho-
spitum extollet lætum honorem Regium. Com. 3. Cito cito absolvite nego-
tium, jam audio adventantium strepitum! Com. 1. Absolvimus, obviam procedi-
mus -- *Iust.* Dilecta capita succedite, & hic, quid sentiam, percipite! vos mei
novis Hospitibus, junctis acclamate vocibus!

CHORUS.

Rursus tubæ resonare
Vi conjuncta plausus date!
Novis in hospitibus,
Quatuor ex partibus
Totum orbem honoramus,
Honoris autem Regio,
Insolito præ gaudio
Fronum caput incurvamus.

Univ. Bibl.
München



Eur. Hæc tua in nos studia levant non nihil pectora mœrore anxia. *Iust.* Mœ-
rorem ponite, cuncta cedent prospere. *Asia.* Querelam proponimus justissimam,
te ergo iudicem & vindicem imploramus Iustitiam. *Iust.* Legi libellum supplicem,
Regii contemptus indicem. *Eur.* Eo jam crevit populorum audacia, ut in Regum
irruant tentoria. *Hon. R.* Ubique impetor, & exulare jubeor! vos testes agite,
Amer. Agimus, si licet, o Domina, tuo numine.

1.

QUADRO.

2.

Europa Ut erat olim maxima
Et Regum dos primaria,
Omn. Timeri & amari,
Asia Sic modo jam est ultima,
Et hujus loco unica,
Omn. Contemni, blasphemari.
Europa Emortua oracula
Jam Regum sunt imperia
Omn. Est rarum obedire!
America Dum rebelles subditi
Regum tam incurii
Omn. Non horrent contraire.

Africa Illi quos ore sereno
Reges dignantur,
Intus scatentes veneno
Omn. Abominantur.
America Quæstus & invidia
Europa Honor & perfidia
Omn. Nunc passim rotant animos
Et subditos & externos,
Europa Per regia cadavera
Attendant se levare,
America Et dexteram pro gratia
Non pudet obarmare.

Hon. R. Vivis adumbrastis coloribus, quæ fata impendeant Regum capitibus,
Hæc iam mei, o Domina, per Regna prope omnia est imperii conditio. *Iust.* Quæ

vero tanti contemptus origo, quæ ratio? *H. R.* Acerrimus animorum aculeus est superbia stimulus, *Eur.* Et bene aliis placendi studium, locum non tenet ultimum, si non primum. *H. R.* Tam amare me porro tædet regnare.

I. ARIA. 2.

Quam pastor felicis gregem
Agit per nemora,
Per juga horrida,
Quam populum ego exlegem,
Rego in debita
Subditis orbita!
Pastor dum clamat: ad me!
Bona ovicula, capit imperia,
Currit & erigit se.
Ego dum peto, quod exigit Lex,
Ridet & clamat mox perfidus grex:
Est dura, non obligat me.

Nec tamen hic meta malorum,
Nec Regum hic finis fatotum,
Corona quot gemis ornata,
Tot verpibus norret armata,
Non soli plebei adaugent dolorem,
Sed magis horresco Magnatû furorem.
Hi quoque favores livore,
Et meos amores dolore,
Compensant ingrati
Thraſones inflati,
Ut erigant se,
Abiiciunt me.

H. R. Indulge querenti veniam, loquitur animus mœrore saucius. *Just.* Non miror doloris vehementiam, sed nimiam non approbo clementiam.

I. ARIA. 2.

Cur miseri olim Gigantes
Se montibus totis armantes
Sunt cito præcipites dati,
Et per ruentia
De cælo fulmina
A propria mole quassati?
Nisi quod arma in Jovem movere,
Nimis incurii non timere.

Sunt Reges velut Numina,
A quorum providentia,
Dependet tota Res,
Et omnis rerum spes.
Dum Regnis volunt prospere,
Periclitentur capite?
Quæ hæc temeritas!
Cum minimum hos lædere,
Jam sit pupillam tangere,
Quod verat dignitas!

H. R. Passim omnia reorum scelera nituntur hoc principio: Est Regum parcere. *Just.* Est procul dubio, sed simul est Regum plectere, nam male reo parcitur, si parcendo peior redditur. *Eur.* Testis est Experientia, testis Regna & Imperia, Heu quot Regum cruentata sanguine, & non nisi suorum scelere. *Om. 4. part.* O magna Domina, remedium suppedita. *Just.* Querelæ, quas audio, sunt justissimæ, audiant jam, omnes Insulæ, portus & oræ maritimæ, audiant Regiones & provinciæ decretoriam Judicantis Justitiæ sententiam.

I. ARIA. 2.

Personas non accipio,
Ut æquum est, sic judico,
Et humili & nobili
Est idem locus gratiæ,
Est idem & justitiæ,

Hinc ferrum hoc in capita,
In Regum caput perfida,
Vim exerat & demetat,
An servus sit, an Dominus,
Non est in jure titulus,

Si puniendus punio,
Si abfolvendus, libero.

Qui crimine præponderat,
Sub ferro primus corruat.

Just. Audistis Judicium, jam vos honorem vindicate Regium, vindicate, & adhuc ho-
lie exemplum date! Hæc arma, si non fufficiant, restant alia, quæ lever us reo
excipiant. Dabo tonitrua, mittam fulmina. Eja evola aquila, Justitiæ armigera! -
Hæc meam exeret potentiam, & intonabit vindicantem Justitiam. Sulphureis hæc eja-
culis adversas rupes divido, superbas cedros decoquo. -- Vos jam pergite, & hunc
gladium super rebellia in Reges capita suspendite. Tu vero Honor Regie accipe co-
ronam novæ gloriæ. *H. R.* Mereris tu potius nunquam marcidam coronam Justitiæ,
Eur. O diem inexpectatæ lætitiæ! *Just.* Quin scande jam, scande solum Honori tanto
debitum, flore diu per Regna & imperia in regali tua curia. - Vos vero devotissimum
præstate Homagium. *Om. 4. part.* Exequimur Judicium, sequimur imperium.

I.

CHORUS.

2.

Eur. Af. Omnes ergo regium
Honorem adoramus.

Am. Afr. Et nos & nostrum animum
Ex asse consecramus,

Eur. Af. Pro tuo semper capite,
Vel fuso venis sanguine
immoti stabimus.

Eur. Et gladio hoc vindice
Ab omni procul turbine
Te vindicabimus.

H. R. Tu vero Magna Domina
Et æquitatis arbitra
Per quam jura, stant secura,

Porro tuo Numine
Regum thronos protege,
Om. In servandis Legibus

Et colendis Regibus
Prima sis & ultima
Semper nobis regula,
Justitia!

Chorus semper repetit.

CHORUS I.

David accepto nuntio Saulem a suis in acie cæsum fuisse, exhibet se
magnum Majestatis Regiæ æstimatorem.

David Rex Amnon, Amonias Principes. Joas Abisai, Eleazar, Banaïas Duces. Sadoc
Sacerdos. Epebi & Comites Regis & Principum. Israelitæ & Milites.

Ban. O Rex serena frontem, pelle nubila, ad tam læta, quæ tuli, nuntia! non sit
mœori spatium, dum victrix gloria circumdat solium. Repeto: tua, tua est Victo-
ria, remurmurent applausu classica! *Adon.* O genitor! quam tibi gratulor triumphum
nobilem, quam gaudeo invicti Martis te patre me esse lobolem! *Ann.* Quam glorio-
sum est hostem vincere, ferro capita demerere! prurit jam animus insulare hostibus.
Dav. Dilecta pignora! placet grandis in vobis anima! est equidem gloriosum vincere,
sed si, ul dolorosum electam gentem perdere. *Abis.* Quod Deus voluit, præstare oportuit,
nec meliora hostis meruit. *Dav.* Banaïa enarra ulterius, quis ergo belli exitus? *Ban.*

I.

ARIA.

2.

Levantibus contra te arma,
Nec enlis jam restat nec parma,

A plenis horrore
In primo fervore

Non venit præda similis
In gestis a te præliis.
A summo nunquam vertice
Per amplos passus Gelboe
Prostratæ sunt tot arbores,
Quot cecidere milites.

Ban. Hæc demum meta gloriæ, hæc partæ series victoriæ. *Eleaz.* Quæ tanto est gloriosior, quo militum numero eras Rex Saule inferior. *Dav.* Si deest virium potentia, compensat hanc Justitia, si sit pedissequa.

1.

Ann. & *Adon.*

Felicior
Jam genitor
Quam tuta Regia
Quam firmum stat nunc folium
Prostratis hostibus!
Adon. Ne porro hostis irruat
Vel mille vitas dabo!
Uterq. Continuo Victor ut sis!
En tanta amoris est Vis!

Ban. O Rex juba sub tantis filiis, & jam exulta præ gaudiis, lauro tam divite indulta a Superis! *Dav.* Accipio, quod misit manus Domini, fuso tamen indoleo sanguini. *Joas.* Eja dolorem Regis animo excutimus, junctis vocibus una & cordibus nostro Victori, & invicto Domitori plausum accinimus.

1.

O alta juga Libani
Date ligna cedrina,
Ut Regi stet & Numini
Immortalis gloria!
Flora flores, Daphnis lauros
Triumphanti necite
Deo, cives, pingues tauros
Adjuvanti sternite!

Ann. En o genitor! tuorum pectora, en prona omnium in te studia! *Dav.* O mei! in vestra Rex vivam & regnabo commoda! quæ precor, sint perpetua. Nolite tamen gloriari nimium, ne Deus tradat nos in manus novorum hostium, totum enim hoc opus gloriæ, opus est Excelli dexteræ! *Dav.*

Non amplius Duces audiri
Tumultus ubique oriri
& mox turbato ordine
Confusa passim acie
Pars punctim & cæsum secari,
Pars altera procul fugari,
Saul ipse subducere se,
Frustratus & suis, & spe!

2.

David. Ni altior
Potentior
Sustentet dextera,
Quot semper erit pervium
Hoc Regnum casibus!

Ann. Ne Patri malum ingruat,
Vel natum me mactabo.

David. O suavis & rara amantium Lis.

CHORUS.

2.

Vicit David, vicit Lex,
Saul est enervis Rex,
Triumphet plaudat Israel,
Et inter umbras Samuel,
Qui Pastorem dedit Regem,
Quem curvo genu adoramus,
Et electum Dei gregem
Rex ut pascat, obsecramus.
Vivat victor David Rex
Regnet Pastor, plaudat Grex.

1.
Adoro Rex divinæ
Arcana Providentiæ,
At fuso simul sanguini,
Et boni olim populi
Illacrymor ruinæ
Et Saulis pertinaciæ.
Si Rex vicisset ipsum se,
Quam multo major esset me!

Eleaz. Hæc dicta coronas duplicant. *Dav.* Sic loqui convenit, nam Deus est, per quem Reges imperant. Vocate jam Sacerdotem maximum, ut Exercituum Domino cum jugi mentis júbilo adornet Laudis Sacrificium. Thure caleant altaria, dum adhuc sanguine cælorum fumant corpora. *Eph. I.* Nutus mei Domini, est mihi loco imperii. *Dav.* Ah modo nunc ad meliora Saul redeat, & non omnino infelix pereat! *Ban.* Viri! quid juvat celare ulterius, quod latere nequit diutius? *Dav.* Edificare! quæ porro habes nuntia? *Ban.* Si jubes o Rex, pandam omnia! ut intelligas quam plena sit victoria. - Saul - Saul periit - Interiit cõmerito funere in montibus Gelboe, nam turbainsequentium fugienti elisit spiritum. Hæc fama jam omnia volat per compita! *Dav.* Heu me! heu me! quæ scelestas manus ex meo milite se polluit hoc crimine? ut Regem sterneret, & unctum perderet!

1.
O Rem urentibus
Descendam irribibus,
Quin date flumen oculi,
Juvate flentem populi,
Jacet grandis anima
Luge Sion filia!
Dum superest vel unica,
Humoris falsi guttula.

Joas. Non est cur de eo sis sollicitus, quem projecit, a quo pridem recessit, Dominus. *Ann.* O genitor exhilara mentem! Saulem cogita hæc & plura merentem! *Dav.* Reges honorandi sunt, quia Reges sunt. Dilcedite, & me mihi, ut frena laxem dolori, relinquite! *Ad.* En pater! huc Sacerdos, ut divino litet Sacrificio, accedit propere. *Abis.* Rex liste gressum, nequaquam lessum, sed plausum potius, meretur Saulis interitus! *Prodit Sacerd.* Tuas adoro plantas Rex invictissime! *Dav.* Veni Sacerdos maxime! *Sac.* Applaudit mecum hodie totus Israel, & inter sacros patrum cineres magnus Samuel! *Dav.* Tace victoriam, Saul Rex unctus periit meorum manibus, quid tristius? Hoc sufficit, ut dolore peream! *Ann.* Solare sacerdos Patrem pro viribus, nimis sollicitum pro suis hostibus. *Sacerd.*

1.
Rex magne cælo auspice
Et ipso Deo vindice,

ARIA.

2.
Non ambio victoriam
Sed tuam Deus gloriam,
Si tamen me arma strinxisse,
Et tibi rebelles vicisse,
Vult tui jussum Numinis,
Cruorem stat profundere
Et vel amicum sternere,
Ne restet gutta sanguinis.

ARIA.

2.
O montes Gelboe
Madentes sanguine,
Super me ruite,
Sauli me jungite,
Vel finite vobis irascar,
Priusquam dolore depascat,
Non porro, vos irriget calicum ros,
Quos inter o cubuit Principum flos.

ARIA.

2.
Nam vivæ si deficio fidei palma,
Nil galeæ profunt, loriceæ, nil arma,

Triumphasti.
Nam bellasti,
Magis armis spiritus,
Quam tuorum viribus!
Iusta causa triumphavit,
Inde laurus coronavit,
Caput vere Regium
Centum lauros meritum.

Sed si cum fide, ænea
Spes caput armet galea,
Si Ducem agat amor Legis,
Adversus hostes Regum Regis,
Palmarum est plena,
Ubivis arena,
Nec laurus est ambigua,
Virtute belli arbitra.

Dav. Agnosco nimis prodiga, in me fidera, sed tamen modo Saul meus viveret!
Huius, huius me miteret. *Sac.* Quid juvat suspirare, oportet Dei iustitiam adorare,
Dav. Adoro, sed simul fata Regis deploro. *Ann.* Vah Banaia! cur fatale attulisti
nuntium? *Ban.* Ignosce Princeps Regie, hoc Belliducis est officium. Oportuit,
Adon. In die gloriæ non decuit. *Joas & David.*

1. CHORUS. 2.

<i>Joas.</i> Vicisti, Rex, parce dolori, Hostis est, qui periit, Non meruit, Ut doleas, Vel diligas, Sit lætus animus. Rebelli in te homini Cur luctu Rex indulgeas? Abs fructu desistas?	<i>David.</i> Dolorem conjungo amori Saul est Rex, qui occidit, Hoc sufficit, Ut doleam, Et diligam, Dum meat spiritus. Est Saul, est christus Domini, Hæc dignitas sanguineas Meretur lacrymas,
---	--

Joas. Pacificis in Regibus,

Dav. In ipsis quoque hostibus,

Eleaz. Dolorem & ego fateor, si Saul fuisset melior, sed hujus in te protervia;
non meretur tui astantium Inspiria. omnes excepto Davide & Sacerd.

ARIOSE.

Non meretur, sed tenetur bene jam in inferis, tantis pro opprobriis, quibus
Regem obruit, duriora meruit.

Dav. Non meretur, est vocum satis, nam ignoratis, quod Regibus debetur. Jam
me recipio, tu interim Sacrificium perage, in quo Saulis Manium non obliviscere, &
denuo ad me revertere. *Prodit Achimaus cubicularius.* Rex magne homo peregrinus
petit te alloqui, homo ni fallor erecti animi. Amalecitam te nominat, & grande fa-
cinus generosis manibus patrasse se nuntiat. Ait: de facie nosse te Saulem perbene,
Dav. Non vacat iam admittere, post horulæ spatium voca ad alloquium.

CHORUS II.

David ostendit se adversus Amalecitam vere Regium Majestatis Regiæ
vel in hoste etiam lætæ vindicem.

Personis reliquis accedit Amalecita.

Sac. Peregi Sacrificium, ad tuum Rex imperium. *Dav.* Jam oportet autam peplo,
indui, & parentare luctuoso Regis funeri. O tristis victoria! o acerba memoria!
Saulus christus Domini, innatat jam sanguini. *Sac.* Cessa, Rex cessa conqueri

unctum esse oleo, nocere tamen populo, hoc commovet judicem, & ex patre facit vindicem.

ARIETTA.

Sic placuit Deo,
Ne parceret reo.

Nimirum non patitur secum joculari,
Sed tandiu amans exoptat amari,

Vel tandem loco gratiæ,
Sentitur vis justitiæ!

Dabatur Sauli optio,
Elegit ultimum,

Quam cæca hæc electio,
Dum fuit liberum.

O David in causa non es!
Solius hæc Dei est res!

Dav. Compono non nihil animum, sedatur tumultus in me fluctuum. Adoro DEI in Saulem justitiam, in me providentiam. *Prodit Achimaus cum Amalecita.* O Rex! hic coram habes hominem, qui tui nominis se jactat vindicem. *Dav.* Amalecita tu es? *Amal.* Sic est Monarcha potentissime, in supremo fortunæ apice stant Israelis res. Jacet, habet hostis impius, quod est commertus.

I.

Rex magne tua decora,
Et parta hæc victoria
Extimulavit me,
Ut forte mea grandius
Tentare ausim facinus
Ut exaltarem te!
Nam credidi si folium
Staturum magis solidum,
Narrantem percipe.

Aria.

2.

Quam nescio
Tam subito
Conscendo montes Gelboe!
Dum video
Obstupeo,
Fædatum nigro sanguine,
Innixum Saulem lanceæ,
Conversus mox inclamat me,
Juvarem morientem se,
Horrentem manus hostium,
Et nascens hinc opprobrium.
Accedo propius,
Resistit animus.

3.

Excessit genis purpura,
Jam mors in artus pallida
Insinuavit se,
Contorquet se, immurmurat,
Pavore pectus palpitat,
Rogare pergit me.
In Regis ergo intima,
Immergo ferrum viscera,

Sic vindicari

En Diadema ! en Regii armillam brachii ! venio, ut ineam, jam a te Rege gratiam.
Dum hostem perdidisti, jam solus gestas coronam imperii. *Dav.* Quid audio? perfide, sce-
 leste, impie ! iustus priori jam pugnat furor Dolori. *Amal.* O Rex, sic credidi me tuo
 consulturum honori, vel quis non maximam, sublato hoste meretur gratiam? *Dav.*
 Tunc sitire Regum sanguinem, ut Regis gratiæ te facias participem?

Aria.

1.

Non ita figenitrix natum,
 Sibi primum in senio datum,
 Aut e sinu abripi,
 Aut florentem emori
 Afflicta videret,
 Non ita lugeret,
 Ut ego tristis doleo,
 Dum meum e vivis sublatum,
 Tam impia manu necatum,
 Saulem hostem audio !

2.

Si telo armatus me ipsum petisses
 Vel ipsas si manus rapaces,
 Harpiæ in modum furaces,
 In Regiam gazam misisses,
 Aut flammam impiam,
 In Regalem curiam
 Nec unquam offensus jecisses,
 Non ita cor meum læsisses.
 Ut me hoc tristi funere
 Violaisti,
 Nec confanando vulnere
 Sauciasti,

Dav. Vel an fuit unquam per Regum cadavera, ad aulæ favores semita? quid
 faciam? quid centes sacerdos optime? *Sac.* Decerne Rex libere: & mortis & vitæ
 Domine! noli hic meam explorare sententiam, age secundum iustitiam. *Ban.* Si
 nostrorum hoc fecisset dextera, non peccasset injura bellica, sed ex placendi studio,
 Regem tollere e medio, est nimium enorme vitium pro homine Extero - *Abis.*

Arietta.

Est scelus crudele, pudendum,
 Vel superis ipsis horrendum,
 Nam quæstus amore
 In no furore,
 In Reges armari,
 In Deos grassari,
 Est eadem res.
 Est Regibus enim Divina Majestas,
 Et æmula ipsis vel Diis potestas,
 Nulla tam impio
 Regum tam prodigo,
 Sit veniæ spes.

Dav. Vindicabo jam sanguinem Regium, & in christo suo Exercituum Domi-
 num. Ocyus icelestum abripite, neci tradite. *Am.* Heu quam tristis scena! *Eliaz.*
 Tam inperata male speranti convenit pena. *Ann.* Dilecte frater clama mecum,
 inciam O Pater! *Uterq.* O Pater est innocens hæc anima, dum hostis tuus cecidit
 iusti furoris victima! *Dav.* magna sunt hæc vocum pondera, scio sum vester gen-
 tor, dilecta pignora, sed illi iudex Dei causam tuor, Repeto, abripite, occidite,

Duetto.

Am.

I.

O Rex ah clemens audi!
Tenello parce sanguini!
Si licet supplicare!
Ah flectere clementia,
Nam parcere est Regum!
Agnosco culpam, fateor,
Et hanc de genu deprecor!
Ah pænitet!

2.

David.

Vel oculus abhorret te,
In Regem christum Domini
Dum audes involare,
Sed fiat ut justitia
Hæc prima lex est Legum.
Abripite non audio;
Nam urgeor a Domino,
Non miseret.

Dav. Miles irrue, interfice. *Am.* ignovisses, ut dixeras, si in te manus armassent nunquid æque in Regem involassem? *Dav.* Regum est vindicare honorem proximi vindictam mei relinquerem arbitrio Domini. Nam ipse est, qui judicat, & judicando vindicat. subtrahite. *Am.* Rex clementissime! *Dav.* Frustra es! *Am.* Heu vana spes. *Dav.* Vos vero discite honorare Reges, secundum leges, æstimare & diligere, nec unquam Regum injuriis favores quarere.

Chorus.

Eta Plausus demus!
Coronam trinam hodie
In Regis nostri vertice
Læti collocemus!
Prima sit Potentiæ,
Nam hostem victor debellavit,
Sit altera justitiæ,
Qua Regum nomen vindicavit,
Suprema sit Victoriæ,
Quam a seipso reportavit,
David toto major se,
Quanta Regnum beat spe!

O. A. M. D. R. R. G.

